



Tel.: 981 71 40 00
Fax: 981 71 50 28
E-mail: concello@ponteceso.net
www.ponteceso.net
CIF: P1506900H
REL. : 01150682
RELG.: MU 2000/15

CONCELLO DE PONTECESO

r/ Concello, 18
15110 Ponteceso (A Coruña)

RESOLUCIÓN DA ALCALDÍA NÚM. 195/2012, DO 9 DE XULLO, DE APROBACIÓN DE BASES PARA CONTRATAR DEZ SOCORRISTAS PARA AS PRAIAS DO CONCELLO DE PONTECESO.

ANTECEDENTES

O Anexo de persoal do orzamento do Concello de Ponteceso para o exercicio de 2012 recolle a contratación temporal de socorristas para as praias do concello. No orzamento figuran consignados os custos para esta finalidade. Pola súa parte a Xunta de Galicia a través da Consellería de Traballo e Benestar subvenciona a este Concello na contratación de 10 socorristas por importe de 33525,40€ (custo salarial + cotización empresarial á seguridade social) (Expt- TR351A 2012/273-1)

CONSIDERACIÓNS LEGAIS E TÉCNICAS

- Real decreto legislativo 1/1995, do 24 de marzo, polo que se aproba o texto refundido do Estatuto dos traballadores.
- Real decreto 2720/1998, do 18 de decembro, de desenvolvemento dos contratos de duración determinada.
- Lei 7/2007, do 12 de abril, do Estatuto básico do empregado público.
- Artigo 235 e concordantes da Lei 5/1997, do 22 de xullo, de administración local de Galicia.
- Artigo 103 da Lei 7/1985, reguladora das bases do réxime local.
- Artigo 177 do Real decreto legislativo 781/1986, de 18 de abril, de aprobación do texto refundido das disposicións legais vixentes en materia de réxime local.

Son competente para resolver, de conformidade co que dispón o artigo 21.g) da lei 7/1985, do 2 de abril, (modificada polo Lei 11/1999, do 21 de abril), e o artigo 41.14 do Real decreto 25686/1986, do 28 de novembro, que aproba o Regulamento de organización, funcionamento e réxime xurídico das entidades locais.

Por todo o anterior, RESOLVO:

1 Aprobar as bases que rexerán a convocatoria para a contratación laboral temporal de dez socorristas para as praias do Concello de Ponteceso durante dous meses dende a sinatura dos contratos, na modalidade de obra ou servizo determinado. As bases aparecen como anexo deste acordo.



Tel.: 981 71 40 00
Fax: 981 71 50 28
E-mail: concello@ponteceso.net
www.ponteceso.net
CIF: P1506900H
REL. : 01150682
RELG.: MU 2000/15

CONCELLO DE PONTECESO

r/ Concello, 18
15110 Ponteceso (A Coruña)

2 Autorizar o gasto con cargo as partidas correspondentes do vixente orzamento municipal e proceder á correspondente retención de crédito, para afrontar os custos dese persoal.

Ponteceso, 09/07/2012

O ALCALDE



José Luis Fondo Aguiar



ANTE MÍN. A SECRETARIA

Cristina Castro Fuentes

BASES PARA CONTRATAR SOCORRISTAS QUE PRESTARÁN SERVIZOS NAS PRAIAS DO CONCELLO DE PONTECESO NO ANO 2012

1 Obxecto da convocatoria:

O obxecto desta convocatoria é a contratación laboral temporal, a tempo completo, baixo a modalidade por obra ou servizo determinado, polo período de dous meses, de dez prazas de socorristas para as praias do Concello de Ponteceso. O soldo é de 1244,45 €brutos/ mes incluíndo a proporción da paga extra.

2 Tipo e duración do contrato:

O contrato será de duración determinada, para realizar a obra ou servizo determinado, de conformidade co artigo 2 do Real Decreto 2720/1998, do 18 de decembro, sendo a duración do contrato de dous meses.

A xornada laboral será a tempo completo e o horario establecerá o coordinador do servizo de socorrismo, coa autorización do alcalde. Polas características do servizo, a xornada comprenderá os fins de semana e os festivos.

Os días libres correspondentes gozaranos os socorristas contratados segundo as necesidades do servizo.

3 Requisitos dos aspirantes:

Serán requisitos dos aspirantes a esta contratación:

1 Ter cumpridos os 16 anos de idade

2 Ter a nacionalidade española, ser nacional da Unión Europea ou dun país con tratado internacional, segundo o que dispón o artigo 57.3 do Estatuto Básico

3 Estar en posesión do título de socorrista acuático ou titulación equivalente ou que a englobe, que se deberá acreditar mediante un documento oficial expedido polo organismo competente. No caso de titulacións obtidas no estranxeiro deberase estar en posesión da credencial que acredite a súa homologación.

4 Posuír a capacidade funcional para o desenvolvemento das tarefas. Acreditarase esa circunstancia co certificado médico correspondente

5 Non ter sido separado mediante expediente disciplinario do servizo de calquera das administracións públicas ou dos órganos constitucionais ou estatutarios das comunidades autónomas, nin atoparse en inhabilitación absoluta ou especial para empregos ou cargos públicos por resolución xudicial, para o acceso ao corpo ou escala de funcionario, ou para exercer funcións similares ás que desempeñaban no caso do persoal laboral, no que tivese sido separado ou inhabilitado. No caso de ser nacional ou doutro estado, non atoparse inhabilitado ou en situación equivalente nin ter sido sometido a sanción disciplinaria ou equivalente que impida, no seu estado, nos mesmos termos o acceso ao emprego público.



Tel.: 981 71 40 00
Fax: 981 71 50 28
E-mail: concello@ponteceso.net
www.ponteceso.net
CIF: P1506900H
REL.: 01150682
RELG.: MU 2000/15

CONCELLO DE PONTECESO

r/ Concello, 18
15110 Ponteceso (A Coruña)

4 Presentación de solicitudes

Aprobadas estas bases por Resolución do órgano competente solicitarase una oferta de emprego ao INEM.

Una vez que a oficina do INEM remita a relación de candidatos que se axustan ao perfil, avisarase polo responsable do expediente (debedo quedar debidamente acreditado) a todos os candidatos propostos para que no prazo de 5 días hábiles presenten a solicitude para tomar parte no proceso selectivo que se fará por instancia dirixida ao alcalde, nun modelo que se facilitará no rexistro xeral do concello, na que se fará constar que se reúnen todos e cada un dos requisitos establecidos na base 3 desta convocatoria.

Estas solicitudes presentaranse no citado rexistro (os días laborais de 9:00 a 14:00 horas. Tamén se poderán presentar na forma que determina o artigo 38.4 da Lei 30/1992, de réxime xurídico das administracións públicas e do procedemento administrativo común. Neste caso, os/as concursantes deberán comunicalo mediante telegrama ou telefax durante o mesmo prazo que o de presentación de instancias.

Necesariamente, xunto coa solicitude para tomar parte no proceso selectivo, os/as aspirantes deberán achegar a fotocopia do DNI, a relación dos méritos que aleguen para a súa avaliación na fase do concurso, que se acompañará da documentación orixinal (ou fotocopias autenticadas) acreditativa destes, pois non se terán en conta nin serán avaliados os méritos que non estean acreditados na forma indicada, o título de socorrista acuático ou equivalente e a solicitude de inscrición no correspondente Rexistro Profesional de Socorristas Acuáticos de Galicia que se acreditará aportando a preceptiva declaración responsable (de conformidade coa base 3.3).

En previsión de que non se presenten solicitudes axeitadas aos requisitos establecidos para a cobertura das 10 plazas convocadas, e ante a necesidade ineludible de cubrir este servizo dalgún xeito, procederase da seguinte maneira:

- Abrirase un novo prazo por espazo de 3 días hábiles, mediante publicación no Taboleiro de anuncios deste Concello, aos efectos de presentación de novas solicitudes axustadas íntegramente a estas bases.

5 Tribunal cualificador das probas:

1 O tribunal cualificador designado pola alcaldía, estará integrado polos seguintes membros:

Presidenta: O técnico local de emprego ou o/a funcionario/a ou persoal laboral no/a que delegue

Secretaria (con voz e sen voto): a tradutora do concello ou o/a funcionario/a ou persoal laboral no/a que delegue

Vogais:

A animadora deportiva

A composición do tribunal farase pública na mesma resolución do alcalde que aproba a listaxe de aspirantes admitidos/as e excluídos/as.

2 O tribunal non poderá constituirse, nin actuar sen a presenza, cando menos, de tres dos seus membros, titulares ou suplentes, indistintamente. En todo caso será precisa a do presidente e do secretario do mesmo. De todas as reunións que faga o tribunal o secretario redactará acta.

3 Os membros do tribunal absteranse de intervir e comunicaranos á autoridade convocante cando concorran algunha das circunstancias prevista no artigo 28.2 de Lei 30/1992 de réxime xurídico das administracións públicas. Os aspirantes poderán recusar ós membros do tribunal cando concorran aquelas circunstancias.



Tel.: 981 71 40 00
Fax: 981 71 50 28
E-mail: concello@ponteceso.net
www.ponteceso.net
CIF: P1506900H
REL.: 01150682
RELG.: MU 2000/15

CONCELLO DE PONTECESO

r/ Concello, 18
15110 Ponteceso (A Coruña)

4 O tribunal resolverá todas as dúbidas que xurdan na aplicación das presentes bases así como nos casos non previstos nelas.

5 O tribunal non poderá aprobar nin declarar que superaron as probas un número superior de aspirantes ó de prazas convocadas, aínda que co resto de solicitantes non seleccionados se establecerá unha orde para cubri-las posibles vacantes que poideran producirse, só válido para a presente campaña.

6 O alcalde, vista a proposta do tribunal, procederá á adopción do decreto correspondente que resolverá a contratación.

6 Selección:

Logo de que remate o prazo para presentar as instancias, o alcalde ditará a resolución na que aproba a listaxe provisional de admitidos/as e de excluídos/as, indicando as causas da súa exclusión. No caso de que non haxa ningún excluído a lista provisional poderá entenderse definitiva. Esa resolución publicarase no taboleiro de anuncios do concello. En caso de excluídos os/as aspirantes terán o prazo dun (1) día hábil para reclamar.

Fase de concurso:

Nesta fase avaliaranse os méritos alegados polos/as aspirantes no momento de presentar a súa instancia para tomar parte neste proceso selectivo, tendo en conta o seguinte baremo:

Formación:

Por cursos de formación relacionados coa materia de salvamento e/ou socorrismo acuático: 0.10 puntos por curso ata un máx de 2 puntos. Non se valorarán neste apartado os seminarios, xornadas e simposios.

Títulos

- Por posuír lo título de técnico en primeiros auxilios: 0,5 ptos
Acreditaranse con copia compulsada do título correspondente, ou outro documento equivalente que permita avaliar os méritos, expedido polo organismo ou entidade correspondente.

Experiencia profesional

- Por cada mes de servizos de socorrismo de praias prestados: 0,25 ptos ata un máximo de 2 ptos
Os servizos prestados acreditaranse informe de vida laboral acompañado do contrato de traballo ou certificación de servizos prestados emitida pola Administración pública competente.

- Por manexo de lancha zodiac: 1 pto. Acreditarase co título de Patrón para navegación básica ou equivalente, ou titulación náutica superior.

- Por servizos prestados na Agrupación de Voluntarios de Protección Civil (en diante AVPC) do Concello de Ponteceso: 0,10 punto por mes ata un máximo de 1 pto.

- Por servizos prestados noutra AVPC: 0,05 ptos por mes ata un máximo de 0,5 ptos
Os servizos prestados acreditaranse mediante certificación do secretario ou presidente da AVPC.

Demandante de emprego

Por cada mes de antigüidade como demandante de emprego: 0,10 ptos por mes ata o máximo de 1,00 pto

7 Procedemento de selección:

Rematada a cualificación dos aspirantes, o tribunal cualificador publicará no taboleiro de anuncios do concello a relación de todos os aspirantes coa puntuación final (que estará determinada pola suma dos puntos obtidos na fase do concurso e na fase da oposición. O tribunal elevará a correspondente proposta de contratación a favor dos/as aspirantes que obtiveran a puntuación total máis alta.

No caso de empate na puntuación final darase preferencia aos/as candidatos/as que acadasen unha maior puntuación na fase de concurso. Se persiste o empate, decidirá o voto de calidade do presidente do tribunal.



Tel.: 981 71 40 00
Fax: 981 71 50 28
E-mail: concello@ponteceso.net
www.ponteceso.net
CIF: P1506900H
REL. : 01150682
RELG.: MU 2000/15

CONCELLO DE PONTECESO

r/ Concello, 18
15110 Ponteceso (A Coruña)

8 Presentación de documentos

Cada unha/un das/dos aspirantes propostos presentarán na Secretaría do concello, no prazo de tres días naturais (contados a partir da publicación do resultado de selección), os documentos que acrediten que cumpren todos e cada un dos requisitos esixidos na base 3ª desta convocatoria, no caso de que non foran xa presentados xunto coa solicitude para tomar parte neste proceso selectivo.

Se dentro do prazo indicado, salvo casos de forza maior, algún ou algunha dos/das aspirantes propostos/as non presentara a súa documentación ou non acreditara reunir os requisitos esixidos, non se poderá proceder á súa contratación, e quedarán anuladas todas as súas actuacións, sen prexuízo das responsabilidades en que pudiera incurrir por falsidade na instancia ou na documentación presentada para tomar parte neste proceso selectivo.

9 Formalización dos contratos:

Unha vez presentada a documentación á que se refire o apartado anterior, o órgano competente da corporación procederá a contratar a favor dos/das aspirantes propostos/as polo tribunal cualificador, e será nula a contratación de quen estea incurso en causas de incapacidade específica conforme á normativa vixente.

A formalización dos contratos terá lugar dentro do prazo de cinco días naturais, a contar desde a data de notificación do acordo de nomeamento.

Previamente á asinatura do contrato, os/as aspirantes contratados/as deberán subscribir a declaración á que se refire o artigo 13.1 do Real decreto 598/1985, do 30 de abril, sobre incompatibilidades.

Mentes non se formalicen os respectivos contratos e non se incorporen ao posto de traballo, as/os aspirantes non terán dereito a percepción económica de ningunha clase.

As persoas contratadas estarán obrigadas a prestar a súa xornada de traballo na medida e forma requiridas polo interese do servizo, de acordo coa lexislación aplicable, e quedará sometida a un período de proba, co alcaice previsto no artigo 14 do Estatuto dos Traballadores, e estará suxeita á lexislación laboral pertinente.

10 Normas finais

1 Para todo o que non está previsto nestas bases ou para o que as contradigan, será de aplicación suletoria o establecido na Lei reguladora das bases do réxime local, na Lei de administración local de Galicia, no Real decreto 896/1991, no Real decreto 364/1995, e na demais lexislación vixente que sexa de aplicación.

2 Os actos e comunicacións que se deriven da celebración deste proceso selectivo faranse públicos, exclusivamente, a través do taboleiro de anuncios da casa do concello.

3 Todos os actos administrativos derivados desta convocatoria, así como da actuación do tribunal, poderán ser impugnados polos/as interesados/as nos casos e na forma establecidos pola Lei de procedemento administrativo e normas vixentes concordantes.

A presentación de reclamacións suspenderá a continuación do proceso selectivo, agás que así o decida o órgano que o convoca este.

4 Contra estas bases e contra a resolución que as aproba, que pon fin á vía administrativa, poderase interpor o recurso contencioso-administrativo ante o Xulgado Contencioso-Administrativo da Coruña, no prazo de dous meses (contados dende o día seguinte ao da publicación na convocatoria).

Con carácter potestativo e previo, poderá interponer o recurso de reposición no prazo de un mes (contado dende o día seguinte ao da publicación da convocatoria). Neste caso, non se poderá interponer o recurso contencioso-administrativo ata que se resolva expresamente ou se produza



Tel.: 981 71 40 00
Fax: 981 71 50 28
E-mail: concello@ponteceso.net
www.ponteceso.net
CIF: P1506900H
REL. : 01150682
RELG.: MU 2000/15

CONCELLO DE PONTECESO

r/ Concello, 18
15110 Ponteceso (A Coruña)

a desestimación presunta do recurso de reposición interposto. Neste último suposto, o prazo para a interposición do recurso contencioso-administrativo será de seis meses contados dende o día seguinte a aquel no que se produza a desestimación presunta do recurso de reposición interposto.

Todo isto sen prexuízo de que poida exercitar calquera outro que considere procedente.

O tribunal queda facultado para resolver tódalas dúbidas que xurdan na aplicación das presentes bases, así como nos casos non previstos polas mesmas.

Ponteceso, 30.05.2011 .

O ALCALDE

